

史記志疑

附錄

五



史記志疑
附錄

(五)

梁玉繩撰

史記志疑卷十一

高祖功臣侯者年表第六

封爵之誓曰。使河如帶。泰山如一本作厲。國以永寧。爰及苗裔。班馬字類引作襲。

案史漢表序所載誓詞相同。

漢表河上有黃字。下如字作若。寧作存。

困學紀聞十二引楚漢春秋云。高祖封侯。賜丹書鐵券。

曰。使黃河如帶。太山如礪。漢有宗廟。爾無絕世。下二語迥異。陸賈在高帝時親見。必得其真。史漢所載。

蓋呂后更之。

余讀高祖侯功臣。

案讀者讀侯籍也。然文義未全。說在月表。

功臣受封者百有餘人。

案高祖功臣百三十七人。兼王子四。外戚二。計百四十三人。表內所載是已。其實侯表惟載功臣。則王

子。外戚。不宜混入。表例自以班書爲當。然余考高帝功臣。有表不盡載者。功臣之封。始于六年十二月。

故呂公之封臨泗侯。利幾之封潁川侯。盧綰之封長安侯。表均不載。蓋呂公以四年先卒。利幾以五年

九月反誅。盧綰以五年後九月爲王也。乃若高本紀。秦三年有南陽守齮封穀侯。殷在河。舍人陳恢封

千戶。漢二年有新城三老董公。正義引楚漢春秋曰。董公八十三封爲成侯。成屬。四年封侯公爲平國

君五年有高起臣瓚引漢帝年紀起爲都武侯。都武侯龔等五人表亦不載豈並早死無後不及六年

而國除乎。或言成侯董崇即董公之子。又金石錄金而若在六年以後者項羽紀元武侯與射陽桃平皋三侯

偕封而表無之。竹書。顯王十七年。晉取元劉敬傳敬爲建信侯水經注卷五云建信縣漢高帝七年封

婁敬爲侯國臨濟縣西北五十里有建信城而表無之。建信屬黥布傳高帝十一年封故楚令尹薛公

千戶。索隱引劉氏以爲關內侯。蓋陳豨傳封趙將四人各千戶朱建傳梁父侯導黥布反。梁父屬而表俱

無之樂毅傳高帝十年封樂叔于樂鄉。縣屬信號華成君叔孫通傳漢王拜通爲博士號稷嗣君。孟康

稷嗣依建元侯表周子南君之例應得列焉而表又無之詎非封而失書歟至若紀信之燒殺。張晏

邑名。敬以襄平侯紀通爲信子非也。紀成以戰好時死通乃成之子何得并爲一人。明徐昌祚燕山叢錄言定州城東三十里

有固城父老相傳是高祖樂以封紀信後者然無確據恐不足憑。通攷一百三卷唐高宗贈信驃騎大將軍宋真宗

贈太尉餘冬序錄言鎮江慶元寧國太平華亭蕪湖等郡邑皆以信爲城。樅公之被烹梅銷之勳績銷十萬戶

侯高帝以銷功封其君吳芮爲王不應銷反無封。固忠烈俊偉之臣也而表中不見亦封而失書歟將絕而無封歟抑寡恩忘舊

而不封歟他若韓信英布彭越以告反誅告信布反者皆封侯而告越反之太僕及舍人決無不封侯

之理表獨缺然劉信母封陰安侯。陰安屬樊噲妻封臨光侯。臨光說在準以蕭妻奚母則陰安當附羹

頤臨光當附舞陽而表何以沒之邪更檢別籍漢書高紀十二年詔立南武侯織爲南海王王莽傳公

孫戎聞樊噲不反封二千戶。晉灼注引楚索隱于周勃世家引楚漢春秋曰高祖封許負爲鳴雌亭侯。三

志二牧傳注引孔衍漢魏春秋同。惟鳴作明。婦人封侯始此。而裴注疑高帝時未有鄉亭之爵。似無其事。唐杜佑通典言

亭侯之制。始于曹操之封費亭侯。日知錄廿二糾其誤。言建武中已有之。余謂十里一亭。十亭一鄉。本爲秦制。通攷

曰。秦制。徵侯功大者食縣。小者食鄉亭。史表鄉侯亭侯甚衆。但皆爲侯國。戶有多少。秩無崇卑。非如東京有縣鄉亭之別耳。新唐書宰相世系表曰。平王少子烈食采汝

墳。秦滅周并其地。遂爲汝南著姓。周仁字季房。漢興。續周之嗣。復封爲汝墳侯。賜號正公。後書獨行傳。周燕曰。我平

公玄孫。正以汝墳下溼。徙于安城。當非郎中令周仁矣。崔意如爲秦大夫。封東萊侯。子業字伯基。漢東萊侯。周嬰

氏。秦無尺寸之封。意如獨得分壤。稱孤漢。言秦無尺寸之封。意如獨得分壤。稱孤漢。魏無知封高梁侯。十二年。鄺亦封高梁。信陵君之孫卑子封蘭陵

侯。見京兆王氏下。通志氏族略。匠覽氏注云。漢功臣祝侯匠。馬適氏注。華陽國志。閬中人范目說高帝

共定秦地。封目長安建章鄉侯。徙封閬中慈鄉侯。李善蜀都賦注。引風俗通作慈鄉侯。則志脫慈字。目固辭。乃封渡沔縣侯。世謂

三秦亡。范三侯也。水經注三十九引豫章舊志。盧俗字君孝。本姓匡。父東野王。共吳芮佐漢定天下。而

亡。漢封俗于鄖陽。爲越廬君。凡茲羣侯。表略不著。然則百四十三人。果足以盡高帝封侯之籍哉。或問

表不載名號侯。今子所補。似未勘核。且奚不舉高紀之剛武侯。答曰。初封侯。名號侯。關內侯。表概不載

余固知之。但所不載者。特後之有封者爾。有封故初封及名號皆不載。非是則雖名號亦載之。不比關

內侯也。如曹參始封建成君。繼號建成侯。迨剖符更食平陽。而除前賜爵矣。陳平之戶牖。周勃之武安

威武。樊噲之賢成。臨武酈商之信成。涿夏侯嬰之昭平。沂陽茲灌嬰之昌文。傅寬之共德。通德。靳歙之

臨平。建武。周緹之信武。婁敬之奉春。莫不盡然。使謂名號侯表不載。將信武。宣平。羹頤以及靖郭。涉。安

涉。軹冠軍。合騎。按道。隨成。從平。從驃。宜冠。博望。非名號邪。夫以周子南君。非侯亦載。而況儼然其爲侯

剛車

並非高帝所封。故不數之。亦猶曹相國世家之天柱侯也。

是以大侯不過萬家。

案表載曹參封一萬六百戶。劉澤封一萬二千戶。蕭何封一萬五千戶。則不過萬家之說未可信。若陸賈謂陳平曰。足下食三萬戶侯。乃據秦時曲逆版籍言之。虛誇其富爾。非實有此數也。

見侯五。

案五當作六。太初見侯。乃平陽侯曹宗。繆侯酈終根。埤山侯卞仁。江鄒侯靳石。戴侯祕蒙。穀陵侯馮偃也。正義刪靳石以合五侯。非。

國名。

附案。史漢諸表國名最難攷。或傳寫譌誤。或後人改易。而索隱所說。加以踳駁。今舉余所知者言之。不能盡詳。全氏經史問答自言有稽疑二卷。得十之八。恨無從見之。

侯功。

附案。史漢所書諸侯功狀。蓋本于高后二年陳平所錄侯籍。刪節以入表也。故皆大同小異。然頗有誤處。未必盡仍其舊文。當分別觀之。

建元至元封六年三十六。太初元年盡後元二年十八。

附案。史訖太初。而此與惠景侯表皆云建元至元封六年三十六者。蓋太初之見侯稱今侯。且不得以

太初四年爲限斷。故不數之。與建元及王子二侯表以年號分紀者。判然不同。此太初以下十一字。乃後人妄續。當削之。惠景表有太初已後四字。亦屬衍文。

侯第

案官僚有一定之班。王侯無異守之職。故但因其功之隆卑以分先後。侯第所由設也。漢表序云。漢王卽皇帝位。論功封侯者百四十三人。又作十八侯位次。高后二年復詔丞相陳平盡差列侯之功。錄第下竟。余竊疑當時何以諸王無位次。而諸侯有位次。就以侯位論功臣百數十人。何以高祖祇作十八人位次。不及其餘。均所難曉。而十八侯位惟蕭、曹可信。語見世家中。其十六位傳聞殊別。莫識準裁。索隱言十八侯位次。楚漢春秋與史、漢異。班固蘭臺集十八侯銘。敘次人名又不同。是知高祖之作。亦爲呂后改易。罔仍舊章。如良、平俱大功臣。不在十八侯內。張敖未有大功。儼居第三。豈非呂后升降之乎。師古贊言之。而呂后差錄之位次。表中舛漏頗多。攷高祖所封。元年至十二年共百四十三人。孝惠所封。元年至五年共三人。呂后所封。元年至二年五月共十三人。統計百五十九人。應有百五十九位次。而周呂合陽二侯追尊爲王。沛侯進封爲王。羹頡侯以罪削爵。射陽、陽夏、淮陰、芒、江邑五侯並以罪國除。當呂后錄第時。自不及其列。則位次實數應有百五十矣。乃表中侯之無位者曰胡陵。卽建成子。曰費。曰任。曰棘丘。曰襄平。曰離。曰便。曰平都。曰軫。曰扶柳。曰郊。曰南宮。曰梧。曰平定。曰博成。曰沛。曰襄成。曰軹。曰壺關。曰沅陵。曰上邳。曰朱虛。凡廿二位之無侯者。曰二十一。曰三十一。曰三十八。曰五十四。曰五十六。曰六十八。曰七十六。曰八十七。曰九十三。曰

九十七曰百十三曰百二十曰百二十八曰百二十九曰百三十三曰百三十六曰百三十八曰百三十九曰百四十曰百四十一曰百四十二曰百四十三曰百四十四曰百四十五曰百四十六曰百四十七曰百四十八曰百四十九曰百五十凡廿九侯位之複者東武高苑皆曰四十一東茅菌皆曰四十八肥如高梁皆曰六十六新陽棘陽皆曰八十一武原磨高陵皆曰九十二平州即皆曰百十一凡七今取漢表校之費三十一平定五十四梧七十六新陽漢作陽信非八十七武原九十三即百十三軟

百二十上邳百二十八朱虛百二十九便百三十三沅陵百三十六此十一位灼然著明可補史缺至以襄平爲六十六平都爲百十一不足取證蓋六十六已有肥如高梁并襄平則重三矣百十一已有平州并平都則重二矣不綦誤哉德侯劉廣史表在百二十七是也漢表在百二十則與軟侯同位必是譌脫七字再以本表侯功校之功勳相

比名次相肩高苑比斥丘四十則高苑無疑在四十一而東武之四十一必是二十一之譌襄平比平定平定五十四則襄平無疑在五十六高梁比平侯平位三十二則高梁無疑在三十八武原比高陵高陵九十二武原九十三則磨侯之位無疑在九十七東茅功盛于菌位宜在前則菌之四十八無疑是六十八之譌此五位亦確可補缺其餘失攷者數其侯則胡陵也任也棘丘也離也平都也扶柳也郊也南宮也博成也沛也襄成也軹也壺關也數其位則百三十八以下爲虛位與任侯等十三人適合無籍可稽未敢妄配而獨怪史漢兩表所載奚無越乎百三十七陸梁侯之外者邪

平陽
河東

後元四年。案文景二帝雖改元而未建號。故但有前中後之分。表內多稱後元中元。誤也。此當作後四年。下皆倣此。

夷侯時。附案此表及世家皆作時。而漢書衛青傳作壽。索隱本作疇。作時俱非也。蓋文字殘缺。俱以偏旁形似而差。

廿四征和二年。侯宗坐太子死國除。附案史訖太初。故上文稱今侯宗。天漢已下。史皆不及。安得載征和間事。比十四字當削。乃後人妄續。各表中凡妄續者。宜盡削之。又漢表傳書宗坐與中人姦。闖入宮掖門。入財贖完爲城旦。此及世家云坐太子死。蓋坐征和二年巫蠱事也。罪狀亦異。信武。

附案地無攷。索隱疑縣後廢。非此名號侯也。

夷侯亭。附案漢法諸侯以罪失國者。沒不賜諡。下文稱侯亭是也。此夷字後人妄加。史詮曰當刪之。清陽。清河

附案漢表及水經注五作清河。非也。清河是郡。諸侯無封郡者。後汾陰侯敍功云。比清陽侯。索隱引楚漢春秋亦作清陽。可證。

三千一百戶。案漢表二千二百戶。

定侯王吸。附案索隱引楚漢春秋作王隆。豈有二名歟。

哀侯彊。史詮曰：彊諡夷，誤作哀。

汝陰。汝南

人漢中至孝惠魯元。附案：至乃全字之譌文。

陽陵。

案：索隱謂陽陵屬馮翊。楚漢春秋作陰陵。攷漢志：馮翊之陽陵，景帝陵也。是故易陽。景帝四年更名。見亦

史景紀

安得高祖時先有茲稱？況陵縣不爲侯國乎？左傳襄十年有陽陵。注云：鄭地。釋例土地名云：在潁

北。今在河南許州西北。但景帝六年封岑邁爲陽陵侯，見將相表。若此侯封陽陵，則至元狩初失國。安得景帝又封岑邁？可以驗非傅侯之封矣。當作陰陵爲確。史：漢表傳並誤。陰陵屬九江郡。項羽至陰陵迷道，卽其處。俗或陽从阴，陰从阴，字近致譌耳。若日知錄廿二卷言西漢三輔無侯國，陽陵、平陵皆鄉名，同于縣者，恐不盡然。陽陵、平陵應是鄉名。他如盧綰之侯長安、劉仲之侯郃陽、丁義之侯宣曲、張敖之侯宣平、溫疥之侯枸呂台之侯鄜，非三輔侯國乎？而食邑者不與焉。顧氏未之攷耳。又范曰：封建章侯。

爲魏將。案：漢表作騎將，是。

屬淮陰。案：此當云屬相國信，說在傳寬本傳。

隨頃侯靖。案：隨字衍。靖傳作精。漢表作清，形聲相近，故各不同。疑漢表是。

恭侯則。附案：漢表則作明。蓋古字通借，非誤也。易夬卦居德則忌，禮運：百姓明君可證。王子表陪侯。

劉明漢表作則與此政同。

十。附案。漢表位次格內凡列侯位次簿中有封邑名號與史異者具載之。如陽陵曰忠武侯。曲成曰

夜侯。平曰聊城侯。一本作柳城。攷志。聊城在東郡。柳在遼西。

猗氏曰長陵侯。長修曰信平侯。土軍曰信成侯。史表無之。當補

書侯第之旁。

廣嚴。

附案。索隱引晉書地道記。廣縣屬東莞。攷廣屬齊郡。明載漢志。何必引晉記乎。嚴字傳寫誤增。當衍之。

壯侯召毆。

附案。廣侯諡莊。故漢表避諱改嚴。然表中莊壯二文多互寫。如廣侯。博陽侯俱諡莊。而表

書作壯。中水。杜衍。赤泉。吳房。涅陽五侯俱諡壯。

徐廣羽紀注云。五人諡壯。索隱涅陽侯表下云。五侯斬項籍。皆諡壯。

而表書作莊。全氏經

史問答謂史記本誤。班固見史記誤本。以壯爲莊。因改爲嚴。余初亦踴全說。後歷攷之。始悟其不然也。

國語。晉大夫壯馳茲。宋庠補音曰。壯音莊。此字諸本有作壯者。有作莊者。檀弓。衛太史柳莊。人表作柳

壯。師古注。壯讀莊。楚堵敖。索隱謂一作莊。敖音壯。莊子天下篇。不可與莊語。釋文一本作壯。側亮反。荀

子非十二子篇。儼然壯然。注。或爲莊。太平御覽公平部引韓詩外傳。楚臣壯之善。

今本外傳譌仕。

新序義勇

篇作莊。善國策。蜀相陳莊。秦本紀。六國表及華陽國志作壯。呂后紀。呂莊表作壯。本表壯侯許倩。一作

莊。惠景表弓高莊侯。漢表作壯侯。太史公自序傳。壯有慨。卽鄭莊。隸續嚴訢碑。兆自楚壯。卽楚莊王。則

知古字通用。不得指史記爲誤端。惟班固盡改作嚴。豈以莊壯古通。遂兼避之邪。毆卽毆字。亦作毆。音

驅又通作歐。此侯蓋與張毆同名。師古索隱音烏后烏侯二反。非也。此侯漢表作歐。而張毆更漢皆作歐。孟康音驅。攷趙世家。歐代地。漢書梅福傳。爲漢歐除。可證其從同矣。史表索隱本又譌以姓召爲呂。

十一年恭侯嘉元年。附案。史詮曰。當橫書于九之下。九者嘉父在位之年也。

至後元七年嘉薨。無後國除。史詮曰。當橫書于十三之下。後上衍至字。嘉上缺侯字。十三者嘉在位之年。各本誤刻。

直行故云當橫書之。

廣平。臨淮。

擊項羽鍾離昧。案。漢表項籍下有將字是。

平棘。常山。其十年爲丞相。案。十年當作九年。說在將相表。

元朔四年侯穰元年。附案。史詮曰。當橫書于十五之下。

元狩元年穰受淮南王財物稱臣在赦前。詔問謾罪國除。史詮曰。當橫書于三之下。侯穰坐受缺侯

坐二字。

博陽。汝南。

擊殺卒追。附案。卒追。史詮謂爲追卒之譌。漢表作殺追士卒。師古曰。楚軍追漢兵者。濞殺其士卒也。

壯侯陳濞。附案。索隱引楚漢春秋作漬疑誤。今本史注又譌漬爲隕。

塞。附案。景帝亦以塞封直不疑。索隱言是桃林塞。夫桃林之塞見于左傳。天下有九塞。桃林其一。見

于淮南子卽秦函谷關漢已後徙爲潼關關塞要地何以封侯國攷郡國志常山國平棘有塞疑封此復封始。史詮曰復封侯始元年此缺。

曲逆

附案漢志曲逆縣屬中山莽曰順平張晏注濡乃官反水于城北曲而西流故曰曲逆史漢皆無音則當讀如字而陸士衡功臣頌云曲逆宏達唐五臣文選注曲區句反逆音遇得毋誤認爲中牟之曲遇聚乎。

其五年爲左丞相案平爲左丞相在惠帝六年此言五年誤也。

二史詮曰上二者何孝文時獻侯在國二年也下二者何孝文時恭侯在國二年也缺下二字堂邑臨淮。

定豫章浙江都漸自立爲王壯息侯千八百戶附案壯息人姓名莊卽其時僭爲王據豫章浙江之

地而都于漸陳嬰擊定之也漸卽浙江見水經漸江水注漢表都漸下誤增一定字千八百戶亦誤作

六百戶師古謂陳嬰定諸地而都之謬甚史詮謂都當作鄣山名言壯息據鄣漸爲王亦非別本浙江或作折蓋依

古字都漸之漸或作折及折

季須元年史詮曰缺侯字

侯須坐母史詮曰缺季字

周呂

附案周呂是號非地名師古高紀注云封名是也蓋呂爲姜姓姜之先封于呂子孫從其封姓至周益顯意謂呂澤佐漢定天下猶周有呂尙故曰周呂其後改封呂王亦以此而呂澤之食邑恐非南陽宛西之呂城濟陰之呂都縣汝南新蔡之呂亭當在彭城呂縣矣晉灼云呂縣名封于呂以爲國則知蘇林謂以姓名侯索隱謂周呂皆國名又引呂都爲證唐書世系表據續志以蔡州新蔡爲古呂國均失之矣或曰封於彭城之呂而兼食周也右扶風美陽有周地此以周呂爲國名而強言之爾封侯無合兩地并稱者

子台封酈侯案酈當作酈屬左馮翊說在呂后紀

七有罪案呂台以高后元年封王不聞以孝惠七年有罪免也有罪二字衍文而于下高后格中當依表例補書云元年侯台爲呂王國除追尊令武侯爲悼武王

建成

附案沛與豫章勃海並有建成縣索隱以爲在沛也

奉衛呂宣王太上皇案叙呂公于太公前必陳平諂呂氏之詞史仍而不改也

有罪史詮曰有罪絕缺絕字

胡陵山陽

附案漢書作漢陽誤呂祿必不遠封犍爲又漢志漢中郡褒中縣有漢陽鄉祿亦未必封

一鄉也

五月丙寅案漢表作九月丙寅攷高后元年五月癸巳朔九月辛卯朔皆無丙寅疑誤

呂祿元年案呂上缺侯字

七八年祿爲趙王案七字乃六之誤八年乃七年之誤祿爲趙王在高后七年說在諸侯王表祿上

亦缺侯字

留楚國

不疑元年史詮曰缺侯字

射陽臨淮

附案射陽者射水之陽也索隱謂射一作貰誤觀史漢高紀武負貰酒注自明

侯項纒元年案纒卽項伯也失書諡

嗣子雖有罪國除附案水經沔水注言堵水逕七女冢元嘉六年大水破墳得塹刻云項氏伯無子

七女造塹則嗣子雖者豈繼子邪但伯封臨淮射陽何以冢墓遠在沔漢是則可疑耳

鄼

附案高帝封蕭何在沛之鄼縣呂后封何夫人文帝封蕭延武帝封蕭慶宣帝封蕭建世成帝封蕭喜是南陽鄼縣通典州郡七注及索隱並言之古借鄼爲鄼字遂致混亂漢志于南陽之鄼注侯國二字

據後來改封書之沛郡鄼下不書侯國者國已除也。周禮酒正注鄼白疏云。蕭何所封南陽地名。臣瓚引茂陵書。何封國在南陽鄼。水經注廿九。鄼縣治故城南臨沔水。謂之鄼頭。漢高帝封蕭何爲侯國。師古云。南陽鄼本春秋時陰國。今爲襄州陰城縣。縣有鄼城。城西有蕭何廟。彼土又有筑水。筑水之陽古筑陽縣。與鄼側近連接。高后封何小子延爲筑陽侯。知何封鄼國兼得筑陽。通典與顏同俱誤以蕭何封南陽鄼爾。漢志言王莽改沛鄼爲贊治。隸釋沛相楊統碑陰故吏贊陳俊。惟借鄼爲鄼。是以讀作贊音。又直作贊字。非本音本字矣。說文。沛之鄼从邑盧聲。南陽鄼从邑贊聲。班固十八侯銘。文昌四友。漢有蕭何。序功第一。受封於鄼。以鄼叶何。更攷唐人諸咏。楊巨源詩。麒麟閣上識鄼侯。賈島長江集有往歲鄼侯鎮句。姚合少監集有鄼侯宅過謙句。此沛鄼音嵯之證。故以蕭之封在沛者。自續郡國志始。索隱因之。唐劉肅大唐新語因之以蕭初封沛。續封南陽者。自通典所引戴規始。索隱因之。元熊忠古今韻會因之。明郎瑛七修類稿因之以南陽鄼音贊者。自說文始。孟康師古因之。張守節正義稱孫檢因之。宋董衝新唐書釋音因之以沛郡鄼音嵯者。亦自說文始。應劭師古孫檢因之。南齊郡誌生同若夫以南陽鄼音嵯者。則周禮酒正疏及釋文也。以沛鄼音贊者。文穎何傳注也。以沛鄼兼二音者。左傳襄元年犬丘注。譙國鄼縣釋文。及師古高紀地志注也。皆不足信。唐李匡乂資暇錄。宋祁筆記。宋陸游老學庵續筆記。王楙野客叢書。王觀國學林。明人如楊慎丹鉛錄。焦竑筆乘。方以智通雅。陸容菽園雜記。近時如新城王氏士禎池北偶談。居易錄之類。大抵仍襲前儒之說。而辨之不甚明。至小司馬于將相表。蕭世

家據鄒氏謂屬沛音嵯南陽音贊其音不謬而于功臣表三王世家不但二音互易復以劉氏伯莊謂何封沛後封南陽爲非奚自岐別乎

法令史詮曰爲法令缺爲字

八千戶案世家封八千戶之後兩次益封共七千戶并初封爲萬五千戶乃史漢兩表皆言八千蓋只就初封說也然獨怪曹參一萬六百戶劉澤一萬二千戶而張良且欲以三萬戶封之不應功居第一之蕭相國其戶數尙較少于曹參則安得曰何功最盛所食邑獨多乎王莽傳亦云高皇帝褒賞元功相國蕭何邑戶既倍又蒙殊禮

是知表序謂大侯不過萬家元未足信而何食八千戶之言亦恐有誤耳

九年爲相國案公卿表高帝十一年始更名丞相爲相國則何之爲相國在十一年世家與公卿表合是也此與將相表及公卿表編年皆誤作九年

一案哀侯祿在位六年其五年在孝惠時其一年在高后時湖本失刻一字又祿無後故高后封何夫人及小子延表缺無後二字

同祿弟附案史詮曰同蕭何夫人名卽祿之母也湖本母作弟誤

筑陽南陽元年同有罪封何小子延元年案漢書表傳高后二年封何夫人同爲鄼侯何少子定侯

延爲筑陽侯文帝元年罷同更封延鄼侯延在位十九年漢表謂延二年薨誤矣此表不書延封筑陽與何夫人並時而書

筑陽于孝文格內反失書更封之鄼又不言延諡蓋脫誤也同以妻嗣夫爵有乖禮制故文帝卽於元